



# საქართველოს კანონის პროექტი

## „მაუწყებლობის შესახებ“ საქართველოს კანონში ცვლილების შეტანის თაობაზე“

კანონპროექტის დასახელება

საქართველოს პარლამენტის წევრები: არჩილ გორდულაძე, თორნიკე ჭეიშვილი, თენგიზ შარმაჩაიშვილი, გურამ მაჭარაშვილი, სოსარ სუბარი, ვიქტორ ჯაფარიძე, ალუდა დუღუშაური, დავით მათიკაშვილი, ალექსანდრე ტაბატაძე, ნოდარ ტურმეღლაძე, რატი იონათამიშვილი, ირმა ზაფრადაშვილი, სალომე ჯინჯოლაძე, თორნიკე ბერეკაშვილი, გენრიეტა წიწავა, რამინა ბერაძე, ლევან მაჭავარიანი, ირაკლი კორცხალია, მამუკა მდინარაძე

კანონპროექტის ინიციატორი

საქართველოს პარლამენტის წევრები: არჩილ გორდულაძე, თორნიკე ჭეიშვილი, თენგიზ შარმაჩაიშვილი, გურამ მაჭარაშვილი, სოსარ სუბარი, ვიქტორ ჯაფარიძე, ალუდა დუღუშაური, დავით მათიკაშვილი, ალექსანდრე ტაბატაძე, ნოდარ ტურმეღლაძე, რატი იონათამიშვილი, ირმა ზაფრადაშვილი, სალომე ჯინჯოლაძე, თორნიკე ბერეკაშვილი, გენრიეტა წიწავა, რამინა ბერაძე, ლევან მაჭავარიანი, ირაკლი კორცხალია, მამუკა მდინარაძე

კანონპროექტის ავტორი

საქართველოს პარლამენტის წევრი

რატი იონათამიშვილი -

თანამომხსენებელი - საქართველოს პარლამენტის დარგობრივი ეკონომიკისა და ეკონომიკური პოლიტიკის კომიტეტის თავმჯდომარე

შოთა ბერეკაშვილი -

მომხსენებელი, წამყვანი კომიტეტი

საქართველოს პარლამენტის დარგობრივი ეკონომიკისა და ეკონომიკური პოლიტიკის კომიტეტის აპარატის

წამყვანი სპეციალისტი

ელენე ჭეიშვილი -

კანონპროექტზე კომიტეტის აპარატის პასუხისმგებელი პირი

საქართველოს პარლამენტის აპარატის იურიდიული დეპარტამენტი

იურიდიული დეპარტამენტის უფროსი

ალექსანდრე ტაბატაძე -

საბოლოო

საქართველოს კანონი

„მაუწყებლობის შესახებ“ საქართველოს კანონში  
ცვლილების შეტანის თაობაზე

მუხლი 1. „მაუწყებლობის შესახებ“ საქართველოს კანონში (საქართველოს საკანონმდებლო მაცნე, №5, 18.01.2005, მუხ. 19) შეტანილ იქნეს შემდეგი ცვლილება:

1. 65-ე მუხლს დაემატოს შემდეგი შინაარსის მე-3 პუნქტი:

„3. აკრძალულია მაუწყებლის მიერ სოციალური რეკლამის განთავსების სანაცვლოდ პირდაპირი ან არაპირდაპირი დაფინანსების მიღება.“.

2. 66<sup>1</sup> მუხლს დაემატოს შემდეგი შინაარსის 1<sup>1</sup> და 1<sup>2</sup> პუნქტები:

„1<sup>1</sup>. აკრძალულია მაუწყებლის მიერ უცხოური ძალისგან პირდაპირი ან არაპირდაპირი დაფინანსების (ფულადი თანხის ან ქონებრივი ღირებულების სხვა სახის მატერიალური სიკეთის) მიღება (გარდა კომერციული რეკლამისა, ტელეშოპინგისა, სპონსორობისა და პროგრამაში პროდუქტის (საქონლის/მომსახურების) განთავსებისა). ამასთანავე, აკრძალულია უცხოური ძალის მიერ მაუწყებლის მომსახურების შესყიდვა (გარდა კომერციული რეკლამისა და პროგრამაში პროდუქტის (საქონლის/მომსახურების) განთავსებისა) ან/და პროგრამის მომზადების ან/და ეთერში გადაცემის პირდაპირი ან ირიბი დაფინანსება ან/და თანადაფინანსება.

1<sup>2</sup>. ამ მუხლის მიზნებისთვის უცხოური ძალა არის:

ა) უცხო სახელმწიფოს ხელისუფლების სისტემის შემადგენელი სუბიექტი;

ბ) ფიზიკური პირი, რომელიც არ არის საქართველოს მოქალაქე;

გ) იურიდიული პირი, რომელიც საქართველოს კანონმდებლობის საფუძველზე არ არის დაფუძნებული;

დ) ისეთი ორგანიზაციული წარმონაქმნი (მათ შორის, ფონდი, ასოციაცია, კორპორაცია, კავშირი, სხვა სახის ორგანიზაცია) ან პირთა სხვა სახის ისეთი გაერთიანება, რომელიც უცხო სახელმწიფოს სამართლის ან/და საერთაშორისო სამართლის საფუძველზეა დაფუძნებული.“.

3. კანონს დაემატოს შემდეგი შინაარსის 76<sup>5</sup> მუხლი:

„მუხლი 76<sup>5</sup>. მაუწყებლის მიერ ამ კანონის 65-ე მუხლის მე-3 პუნქტისა და 66<sup>1</sup> მუხლის 1<sup>1</sup> პუნქტის მოთხოვნების დარღვევისთვის მისთვის პასუხისმგებლობის დაკისრებისა და სანქციების აღსრულების დროებითი წესი

მაუწყებლის მიერ ამ კანონის 65-ე მუხლის მე-3 პუნქტისა და 66<sup>1</sup> მუხლის 1<sup>1</sup> პუნქტის მოთხოვნების 2025 წლის 1 ივნისამდე დარღვევის შემთხვევაში კომისია საკითხს განიხილავს ამ კანონით დადგენილი წესით. კომისია უფლებამოსილია მაუწყებელს შეუფარდოს ამ კანონით გათვალისწინებული შესაბამისი სანქცია, რომელიც აღსასრულებლად არ მიექცევა. მაუწყებლის მიერ ამ კანონის 65-ე მუხლის მე-3 პუნქტისა და 66<sup>1</sup> მუხლის 1<sup>1</sup> პუნქტის მოთხოვნების 2025 წლის 1 ივნისის შემდეგ დარღვევის შემთხვევაში კომისია საკითხს განიხილავს და მაუწყებელს შესაბამის სანქციას შეუფარდებს კანონით დადგენილი წესით.“.

მუხლი 2. ეს კანონი ამოქმედდეს გამოქვეყნებისთანავე.

საქართველოს პრეზიდენტი

მიხეილ ყაველაშვილი

თბილისი,

2025 წლის ... აპრილი.